

## ¡BOMBA!

En esto hay que ser muy franco,  
no es ninguna fantasía;  
gran negocio es tener banco,  
y mejor lavandería



# K'uintsil

Martes 22 de septiembre de 2020

CAMPECHE · YUCATÁN · QUINTANA ROO · AÑO 6 · NÚMERO 1321 · www.lajornadamaya.mx



Las casas están influidas por el imperio británico y del Chattel House. Foto ICA

## MINA'AN TAAK'IN TI'AL U JEEL LÍIK'SA'AL U NAJIL CHE'OB CHETUMAL: ICA

### NO HAY RECURSOS PARA RESCATAR CASAS DE MADERA DE CHETUMAL: ICA

JOANA MALDONADO / P 12

CHETUMAL. U najil che'ob yaan tu noj kaajil Chetumal, yáax yanchajo'ob ti' kaaj k'ajóolta'ab beey Payo Obispo tu'ux líik'sa'ab ya'ab najo'ob yéetel britanicail arquitectura yéetel ba'ax k'ajóolta'ab beey estilo victoriano, je'el bix chikbesa'an tu lu'umil Belice, walkila' jeets'a'an beey patrimonio cultural ti' le noj kaajo'. Ba'ale', ya'ab ti' le je'elo'obo' tán u ch'éejelo'ob yéetel uláak'o'obe' ku k'a'abétkunsa'al beey Airbnb. Le beetike', Instituto de la Cultura y las Artes (ICA) tu káajsaj jump'éeel nu'ukbesaj ti'al u líik'sik tuka'atéen le najo'oba', chéen ba'axe' u taak'inile' ma' tán u chukik ti'al u beeta'al.

Yóok'lal le najo'oba', j-arquitecto Exa Hernández, tu ts'íbtaj ti' Twitterre' (@ExaArq), tu ja'abil 1922e' jt'o'ox k'áaxo'ob ti' u yuumil mola'ayob meyajtik che' ti' kaaj k'ajóolta'ab beey Pontón Chetumal. U ya'abil kajnáalo'ob te'elo', beliceñoilo'ob, yucatecoilo'ob yéetel maayailo'ob, le beetik kaaje' "líik'sa'ab je'el bix suuk u beeta'al ka'ach ichil inglesail yéetel holandesail tuuku!":

Najo'obe' líik'sa'an yéetel u británicoil óol, beyxan yéetel u chíkulal Chattel House: beeta'an yéetel che', mejentak yéetel ku yutstal u péeksa'al. Jayp'éeel ba'alo'ob chika'an ti' le najo'oba' leti'e' ki'ichkelem cha'ob yéetel u yóok'olilo'ob beeta'an yéetel zinc corrugado.